

全載十四冊詩

南郭先生文集

初編  
自四至五

三

特別  
~20  
3564  
3






八二〇  
三五六  
三



南郭先生文集初編卷之四



平安 服元喬子遷著

江都 望三英君彥輯

南部 滕元啟維迪校

七言律

登吉祥閣

吉祥層閣倚蒼穹，宮殿爭高此地雄。  
似叩天闕朝北極，應觀世界住虛空。  
彩雲近傍諸陵出，玉樹斜連御道通。  
一自飛來稱鷲嶺，長懸日月照山東。

南郭集初編 卷之四 七言律 一 嵩山房辛



58-2171



望嶽

雲臺玉女昔朝天，東指芙蓉帝所旋。豈有秦時徐福識，不令漢代少君傳。雪垂閭闔晴齊對，日動扶桑曉倒懸。瀛海瑞祥常五色，三峯高標拱群僊。

送人之京二首

棄繻年少入關中，更歷崑函氣象雄。帝里山河青靄滿，天門冠佩紫微通。周垣星列千官署，上苑春齊五柞宮。行矣何妨淹歲月，舊儀堪習漢流風。

好向西京試遠游，巍巍文物滿宗周。前王清廟迎琴

瑟，中士明堂擁冕旒。正朔從來臨萬國，干城猶自錫諸侯。請看永鎮南山色，不改千秋古帝州。

海邊早秋

壯觀坐比琅邪臺，落日早涼秋色回。二總群山連北走，三叉兩岸對東開。浮槎海客今何處，駕鶴僊人久不來。安得破波乘萬里，臨風酌盡濁醪杯。

送人之北地

萬里相思別一樽，前途物色黯銷魂。北溟雲氣搖鵬際，朔地秋風入鴈門。白首誰論移舍養，黃金元計築



臺恩自逢燕趙招賢主，幾日裝車臨故園。

倚蘭勝戾西臺八景分賦伊駒白雲

峻嶒雲滿伊駒傷，太守登臨爽氣長。南海陰晴從變態，西臺日月送餘光。山寒似掩秦皇牒，秋色還搖漢武章。詞賦應堪淹五馬，風流憶昔在中郎。

寄周南縣次公二首

憶君彩筆動雲煙，紛映西溟萬里天。八月觀濤枚叔興，一時賦海木虛篇。才優上客游梁日，名震呼韓叩塞年。望去長風無路駕，此心擬借素書傳。

大國風流興不孤，樓臺何處海西隅。鳳簫月冷秋瀏亮，龍劔星搖夜有無。舊史倚相傳五典，能文尤氏動三都。遙知更縱登高色，久識周南賢大夫。

送高生岐岨中之西州生善弓劔

匹馬孤身膽氣雄，高歌直入畏途中。斷蛟秋水寒長劔，射虎雲山鳴大弓。八月關河回朔雪，五州草木向西風。誰言棧道岐岨險，叱馭還應九折同。

送人游官駿州

溝水西東曉色深，離亭驛樹對蕭森。回車欲別窮途



哭躍馬還憐要路心天外二峯迎霽雪海邊一道入  
秋陰遠游鳥舉男兒志預喜雄飛翔故林

早春送人之泉南

三都羨爾壯遊旋賦就泉南亦自傳萬里風煙侵彩  
筆一州今古入雄篇連城尚匿荆人璧巨海曾通漢  
使船路歷浪華應更好梅開行色映新年

早春牛門集有懷縣次公分韻春字

郭門花發御溝濱佳宴高齋絕俗塵歌憂青雲樓上  
曲和難白雪郢中春江東共值銜杯日海表遙思作

賦人此興今應齊鄴下何時更引仲宣新

牛門集春雨新晴得餘字

城西春水遠溝渠載酒登樓負郭居日駐九天雲故  
處山來四面雨收初花邊懸轡門無雀竹裏開盤食  
有魚共是問奇忘向晚停杯讀畫草玄餘

送人歸隱西京南山

西征非復伯鸞歌函谷關門紫氣過漢地宮懸僊掌  
起周餘民止帝州多青鳩晴樹當瓜畝綠鴨春流合  
桂河自是終南招隱處恐看東帛到丘阿



和島歸惠中秋不見月

城上重雲掩素秋，江邊雨色晚添愁。  
南天烏鵲迷郊樹，西苑公孫廢酒籌。  
白鷺洲連長水沒，驪龍窟抱暗珠流。  
假令七發猶堪賦，今夕知君懶倚樓。

又和雨後上金龍山

誰謂僊宮難可攀，金龍近指彩雲間。  
河邊鳥道通秦時，樹杪人家接漢關。  
雨歇冰夷鳴鼓出，日搖玉女弄珠還。  
煙波長映銀臺上，更似鼇頭海外山。

又和送客作

中原才子並相聞，避舍今時多讓君。  
三疊應傳傷別曲，一官久著解朝文。  
草堂開徑臨江水，玉笛登樓過海雲。  
勿道風流非吏隱，朝回日對白鷗群。  
島詩却笑生涯非吏

送友人入信中

留君不駐醉相看，為說信中行路難。  
棧畔悲風來虎嘯，峽間荒樹入龍盤。  
崎嶇尚傍青天上，壁嶂偏懸白晝寒。  
如是關山能到否，蒼茫愁指碧雲端。

永慶君侯輓詞二首

一去帝鄉難可尋，白雲何意故沈沈。  
天寒雨雪燕臺



迥月照功名漢閣深，稷下罷談唯泣血。棠陰留詠自傷心，出門廣柳腸先斷。堪聽行人薤露吟。

周室封侯漢列卿，許身聖世答升平。穹功高配山川，祭遺澤兼傳將相名。玉樹歲寒全失色，雄風日暮自悲聲。望碑共墜千人淚，誰識驢鳴報主情。

天目覽古

鶴脊關西天目山，百年戰氣鬱林間。秦軍萬骨生苔綠，殺道隻輪枯血殷。鬼哭暗雲陰處合，猿啼荒壘晚來攀。英雄一代空丘隴，悲壯偏揮涕淚還。

峽中歸

白猿橋畔白猿啼，劍閣懸崖雲欲低。隔水樵家皆倚石，極天鳥道獨臨溪。公孫躍馬雄圖古，張載題銘客跡迷。雙淚非關巫峽恨，心中萬事自悽悽。

早春有感二首

林苑春回悲昔遊，朝來獨往一登樓。野梅靜待輕風落，嶽雪遙銜宿霧浮。暮景百年人愈老，歲華三日客新愁。為緣楚調偏搖落，玉樹蕭蕭似素秋。

金門車馬帶春回，薄宦隨行上趙臺。身伴曼胡休說



劍誰憐逢掖縱街杯依然歲月江山在無賴風光天地來心事自今渾漫興登高作賦轉堪哀

奉送徂來先生赴峽謁永隴二首用子和韻

遙看莽蒼玉河陰此去前途草色深駿散舊臺金尚在龍歸寒水劍難尋暫時分袂相思淚滿座停杯垂別心縱似長卿游蜀日何如梁苑昔披襟

別路蕭蕭匹馬遲離亭感物黯悽悲登樓色到關山盡擊筑聲繁澗水隨劍閣浮雲逢此日瑤臺白雪感當時定知兼憶雄風賦不啻無慙有道碑

夏六月西臺侯將之封河內過飲護園同諸

子賦二首

君侯千騎出城東告別玄亭復過雄常帶相忘諸子坐瓊筵為引大王風不嫌漿水非凌室但許芙蓉似雪宮還喜瘴天行欲盡江山秋擁五花驄

西臺爽塏倚嵯峨氣色知迎大旆多南國乾坤吞夢澤五畿郡邑轉星河群賢誰始黃金舍千騎共從白王珂猶謂出遊思士切停車好聽甯生歌

秋懷二首



天際雲飛木葉黃，感時臨眺客悲傷。  
高臺歲月頻搖落，大海煙波故渺茫。  
醉去晚餐三徑菊，病來秋見二毛霜。  
吏情宦拙因稱傲，被髮行歌似楚狂。  
客舍秋風類野廬，城西暮景日蕭疎。  
但知阮籍狂耽酒，不是虞卿老著書。  
極目江山悲草木，側身天地羨樵漁。  
百年世事多留滯，未向鄉園賦卜居。

九月贈徂來先生

高臥誰驚佳節過，龍山風樹晚嗟峨。  
濁醪寧為蕭條廢，漫興應緣感慨多。  
僻地尺書疑萬里，索居一水憶

長河登臨此日秋，堪憐彭澤黃花近若何。

月夜憶子和

洞壑仙人黃鶴樓，誰今並駕武昌遊。  
景星應傷天邊聚，雲漢空傾夜色流。  
苦憶謝莊堪賦月，肯知宋玉更悲秋。  
吏情顧笑為何趣，一醉滄洲不可求。

贈大潮師

劍東竹樹憶支公，豈與人間歲月同。  
過客晝稀山菓落，降龍夜動海雲通。  
玄風揮麈游江左，白雪翻章滿郢中。  
野徑近來無世事，蓬蒿族見錫飛空。



護園奉陪猗蘭侯

子子干旄北闕來，光輝忽傷野亭開。城西星動群賢座，河朔寒生五月杯。見鄭衣臨子館，更知趙璧照侯臺。曾思詞賦應劉富，蔚矣誰如鄴下才。

慰邊生遙傷太翁

西州歸路望無緣，男子遠游悲海天。風雨忽搖蒼樹色，庭闈永謝白雲邊。百年彩服啼痕落，萬里封書夢裏傳。堪聽九回腸斷盡，為君欲廢蓼莪篇。

九日集

登高色送大江流，况復黃花此對樓。落帽何人能盡興，彈冠諸子總窮愁。聊從琴酒東籬會，故倦山川上國遊。安得閑居堪作賦，天風吹到二毛秋。

寒山

寒山古殿蔭長陂，白日黃沙晚更悲。向暮天風猶鼓吹，當年樹色此追隨。潭渦窟冷魚龍黑，餌食階空鳥雀疑。幽獨還思叨授簡，梁園賓客鬢如絲。

暴雨

天際奇峯高欲摧，南山驟雨忽風雷。群龍飛動乾坤



南華集補遺 卷之四  
合衆鳥園林颯爽回潦激西江轍迹潤霽歸大嶽雲  
根開夕陽休照愁中鬢扶病盪骨猶上臺

即事二首

作篠池

鳳凰城北正氤氳太乙壇高帝跡分陰壑含江常碧  
色遙臺回日變黃雲夜知草澤龍蛇氣朝避人間虎  
豹群到處從他爭坐席不教野老姓名聞  
一臥茅堂篠水陰長裾休曳此蕭森連城抱璞多時  
泣通邑傳書百歲心向暮林鳥無教黑歷年江樹自  
然深人情湖海空迢遞客迹天涯奈滯滯

去藩後居江上時東壁亦辭廩卜築高山賦  
贈

十年出處舊雷陳江嶽漁樵歸各貧山上薜蘿今詠  
否洲邊杜若此拳新應憐麋鹿群林下欲侶魚蝦問  
水濱自是弟兄甘負郭買田願作耦耕人

寄賀里村純翁七十初度

篇章久獻柏梁臺通籍詞臣見世才頌就春生三秀  
草酒成花發萬年杯襄陽耆舊推君在江左風流會  
羨來猶自紅顏堪盡醉兒孫况復舞徘徊



中秋

江天月色滿江頭，幽獨無眠夜迥愁。  
鵲自翻飛三匝，樹人猶臨眺五更樓。  
廣陵病起仍耽飲，梁苑違多任倦游。  
但使秋風吹釣渚，垂綸不必比羊裘。

十五夜贈子知

苦憶長風八月濤，空明况動海門高。  
那能使我攀玄兔，還欲從君釣巨鰲。  
白首秋憐潘子興，青鐔日縱謫僊豪。  
寄言采石猶堪醉，一向寒江照錦袍。

和答田元漢見贈二首

搖落無如秋色何，卜居况對洞庭波。  
蕭條白壁悲三獻，歲月芳蘭託九歌。  
草閣天寒常閉早，楓江風急已翻多。  
謝君戀戀時相問，更自明朝載酒過。  
臥病秋高湘水邊，披襟憶昔楚臺筵。  
辭恩未擬前魚淚，養拙初憐散木篇。  
四海文章慙後學，中原聞達讓諸賢。  
他時儻草玄經罷，還欲憑君萬古傳。

冬日登樓倚蘭臺同賦

談天諸子此相同，稷下風流碣石宮。  
秋後還蒸江海氣，雨前忽散夕陽中。  
西山雪動高樓掛，北闕雲當甲



第通臨眺曾憐搖落賦那知玉樹轉青葱

歲暮和江生漫興作生時罷官二首

歲晚嗟君返故廬才高却使宦情疎行吟憔悴三閭賦交態蕭條中散書江上相思霜墜後尊前忽會雪晴初猶能命駕時來往可擬風塵動索居

黃金十歲結交難意氣相逢鬢欲闌斜照偏從罇裏落浮雲更傷眼中寒我今性僻甘烏兒君豈才優老鵝冠知是飛騰它日志未須久伴漁樵看

猗蘭臺集同諸子賦得幽字

東方策起使君樓中有猗蘭居上頭玉露夜分僊掌落彩雲春對鳳城浮援毫愧乏彫龍技飛蓋叨從繡虎遊更使酒杯忘貴介琴書何減竹林幽

和萬庵和尚作三首

萬公精舍海天開岌嶻何人此得陪世界乾坤懸日見房州波浪動潮來明珠獨抱驪龍窟貝葉遙傳白馬臺身滯風塵非易到幾時昏黑上方回

中原彥會有諸君豈料林公獨出群玉塵縱橫江左氣彩毫搖動海東雲潮音夜傍高臺落天籟秋連大



嶽間傳道丹楓堪畫興何當一對夕陽曛  
金榜先搖海上樓祇林風物迥添愁中天窈窕雙珠  
樹南浦陰晴一釣舟向晚孤燈懸片月高秋落木對  
清流更知寂寞論堪著二諦從來推道猷

偶成五首

本鄉作

陌上豪華遠郭長五陵佳氣五雲傍公孫馳騁齊騏  
驎貴主樓臺共鳳凰四野雄風通各處千門明月散  
餘光百年寂寞關何事歸去終應臥草堂  
昌平橋北對城門大路紅塵浥雨痕朝野絃歌通日

夜王侯第宅滿乾坤病來苦思休耽句老去歸心在  
灌園時結鼓刀屠市客未須輕擬信陵恩  
城外青雲映白沙橋邊大道萬人家秋光尚着霜前  
樹春色先含臘後花長鋏馮驩非乏食窮途阮籍未  
面車東門野老唯容膝何似鄉園去種瓜  
野色青天晚不孤弄晴海嶽擁城隅流雲歸岫遙來  
去返照穿林忽有無極目四郊時跨馬回頭萬里日  
思鱸壯心慷慨餘衰鬢嬾性蕭條任病夫  
紅顏翠黛倚嬋娟阿閣高樓媚日邊萬樹柳花還鬱



南齊集補注 卷之四  
鬱五陵，裘馬故翩翩。曲中衣帶懸金縷，筵裏山川起紫煙。看盡繁華行樂地，蹉跎白髮異當年。

移居二首

芝南作

白虎門南有梵宮，山邊樓觀寢陵通。袈裟三乘皆開士，冠帶七遷元相公。天定晴霄星拱北，海平今日水朝東。野翁聊和堯民曲，四賦何須更薦雄。負郭千門不寐慕，近隣笙鼓徹重霄。馬聲迴合烏衣巷，龍勢齊乘赤羽橋。園後鬱林秋自去，寺前明月晚相邀。更看南畔漁家滿，病客祇應弄海潮。

答阜上人見寄二首

城南城北謾移居，自覺交遊日轉疎。置酒關心高士興，加餐欲泣故人書。門前落木秋無數，屋上繁霜雪不如。彭澤先生貪極醉，知君依舊許登廬。虎溪秋晚隔藤蘿，相憶無如日月何。海畔南天玄鳥去，人間世上白駒過。祇疑暮夜三生夢，忽聽陽春一曲歌。漫興報君君記取，離群知己更無多。

秋日作八首和島歸惠

弄月南樓海上高，雲飛影湧夜觀濤。天涯索莫雙蓬



鬢心事功名一羽毛  
渤澥潮來珠滿蚌  
瀛州嶽出浪連鰲  
短歌長嘯秋風起  
鏗爾腰間落大刀  
草堂卜築對江流  
楓岸蘆洲搖落秋  
漁父唱歌混鼓枻  
仲宣詞賦入登樓  
雲黃返照沈還見  
天白迴濤湧不休  
海氣東來蕭颯甚  
何由學道接浮丘  
雄都繚繞八州邊  
湖海同朝更森然  
徐福泛舟空萬里  
秦皇驅石幾千年  
秋通三島東溟近  
夜轉群星北極懸  
留滯久違行樂計  
南山自有未耕田  
近隣簫鼓鳳凰城  
肺病頻年臥漢京  
大嶽晴雲朝不

動中州佳氣日還生  
秋深欲隱青門道  
霜墜但關白髮情  
聖代如君須努力  
早知金馬勒聲名  
不盡秋風天地來  
故人感興入悲哉  
寒江日暮朱華落  
夜月關山玉笛哀  
鄴下西園時欲宴  
平津東閣晚新開  
右文自古榮詞賦  
何啻空傳楚客才  
承華渡口倚龍橋  
城外溝渠動暮潮  
錦纜樓船汾水下  
金門鞍馬漢京朝  
芙蓉玉露多無盡  
閭闔祥雲久不消  
作吏尚應干氣象  
悲秋偏自到漁樵  
落日金龍動寺門  
駒蹄日上欲黃昏  
文章遣悶思玄



賦山水關心樂志論歸馬平原通獵苑行人古渡向  
漁村看雲相憶江東樹漠漠天邊失雨痕

衡門蘿薜事棲遲北郭西山勞轉移夜冷嫦娥看搗  
藥晝閑稚子慣蒸芝三秋野色來無賴萬古江流逝  
若斯醉擊玉壺心謾壯自憐駒馬老偏羸

○○○中秋送別

送君杯酒倚南樓明月清江凜不流海上浮槎時欲  
泛天涯離席夜偏愁魚龍影動絃歌冷鴻雁聲迷蘆  
荻秋向曉醉中情轉切發狂下渚繫孤舟

和答高秀才病中見寄

烏衣朱雀水東涯幾處吳歌喧四時誰料病深詩獨  
進最憐心折感偏知颶風患眼秋多聽落木摧顏夜  
暗悲縱有忘年交可問那堪老懶鬢絲垂

雨中望君彥席上會連阿上人主人有詩和  
以奉謝

玉芝峯轉倚龍宮寺後園林地勢雄十月寒花紛白  
露三山微雨重紅楓榻前最愧南州孺座上還推北  
海融况復謝家談自妙支公為出剡中東



蒼松篇壽神足高菴道人八十

紺殿青標對十尋蒼顏僊氣鬱陰陰降龍更蟄蟠根  
黑群鶴偏巢偃蓋深甘露堂前融玉液香風天外入  
琴音主人長說無量壽喜爾托生祇樹林

雪中和答望君彥見贈

城頭白雪晚漫漫玉樹瑤臺穿眼寒授簡人陪梁苑  
坐回舟客向剡溪看欲題謾興從情遣更唱高歌覺  
和難雙鬢恐他相照切草廬轉自臥袁安

蓮光寺陪田原侯遊賦呈卓上人

祇樹清涼嶺上通綠陰堪繫五花驄樓臺避暑成河  
朔雲物先秋滿剡東豈謂林園開士坐更看豐沛列  
侯風愛山支遁誰回首今日登臨有謝公

酬武子忠 江州彦根通家

嶂嶽高城鬱壯雄領兵屬國俯江中星分三越兼征  
北天限太湖堪鎮東引興舟船乘雪夜思歸羹膾動  
秋風吳都文物何須問今已清門見陸公

酬松子潤 同前

千年上苑百花香處處江山舊帝鄉自古王風餘禮



南唐書補 卷之四  
樂只今戾服滿封疆，嶽邊城郭迎雲起。湖上琵琶浸月長，傳道湘靈時鼓瑟。曲終詩興待錢郎。

三义口泛舟

日落漲流三派連，乘涼歌舞木蘭船。岸開橋勢分州地，江盡潮頭入海天。美酒芳樽兼浪湧，佳人長袖受風旋。坐疑鼉首隨南北，輕泛蓬瀛拂紫煙。

早春集神門得歸字

紫陌天門接太微，垣邊第宅自光輝。鳳毛彩映朝陽近，龍影行連霄漢歸。共指青雲春綺麗，相求黃鳥日

翔飛最憐公子新年酒，依舊交歡老布衣。

和真微上人新歲謁諸陵之作

玉樹園陵泐氣回，五雲兼繞梵王臺。神遊石馬迎春動，佛坐金蓮捧日開。臘雪全消分舊柏，天花欲墜見新梅。鳥聲獨啜空階地，經罷還留妙偈來。

懷僊臺同錢玄海上人西歸得方字

出山渡海事津梁，况復西天去向鄉。仙侶銀臺蕊更切，應真金策路偏長。偈留孟鉢蛟龍氣，筆動須彌日月光。為憶白毫趺坐地，回頭時自照東方。



同子和秀緯集德夫紫芝園新宅子和携魚  
得園字

新築閑居負郭村。日看轍迹破苔痕。魚餘任父携供  
饌。酒飽壺公懸滿樽。蕭寺牆東移寶樹。高山郊北上  
芝園。屢來許弄鳴蛙興。我輩非關鼓吹喧。

縣次公客舍飲

城西邸第戟森森。更見翩翩翰墨林。萬里携來江海  
氣。一樽傾盡古今心。蒼龍闕動過秋雨。白虎門開散  
夕陰。頗覺雄風吹欲近。不妨沈醉轉披襟。

和答叅州源京國見寄二首

鳳來山上鳳凰來。瑞氣百年藹鬱哉。岐俗維新周日  
月。沛宮不改漢樓臺。大風一自留雄畧。壯士于今育  
傑才。想見世家良子弟。登高賦遍碧雲隈。

大國才豪賈子賢。詞章翻向洛陽傳。山川人傑龍飛  
地。政治文明鳳集天。驛古滄池餘鯉鮒。郡開碧海見  
桑田。更知杜若洲邊色。千載流芳入妙年。

郡地池鯉  
鮒驛名

送題小倉公族大夫養拙君家園

托伯  
暉西



豐城海畔九州東，鄒子談天碣石宮。  
草樹應傳家世茂，江山自傍國都雄。  
政閑退食迎珠履，賦就開筵憶角弓。  
為有仙槎西寄信，題詩八月共潮通。

南郭先生文集初編卷之四終

南郭先生文集初編卷之五

平安 服元喬子遷著

江都 望三英君彥輯

南部 滕元啓維迪校

五言絕句

東都四時歌春

花下誰家妓，東山醉未歸。  
落花不相待，偏傍紅顏飛。

夏

不覺人間熱，泛舟避暑杯。  
餘酣何所見，江口大潮來。



秋

江近通溝水城頭魚自肥秋風吹一夕處處釣鱸歸

冬

謝家江左貴歲晚不知寒雪片簷前色共憐柳絮看

江上曲

吳姬纔慣步偏恐路傍心只賽江神去江花空自深

塞下曲

昨夜逐強胡駐馬陰山下萬匹齊欲嘶北風落平野

詠史

徒見王孫窮相輕市客中未能酬一飯長劍為誰雄

戲代內人示五鹿生二首

君道讀書去今朝信宿回儒生著何服不見一人來  
知就高陽飲醉中應有春夜來君自愛多恐酒傷人

折楊柳二首送松子潤

不須折垂楊青青映客舍君從使君行堪繫千騎馬  
不須折垂楊枝枝各受養此別易前期明年定無恙

湖中歌二首送武子忠

應有家人待可論此地違歸心湖上色早傍白雲飛



勾踐城中士水鄉歸故居湖邊多暇日應食王餘魚

春寒二首

窗中返照微  
涸陰含日夕  
臥憶花應遲  
未作登山屐  
春寒雨作靈  
酒力醒來微  
迷雁過昏夜  
數聲歸不歸

重別海上人五首

海東復海西  
萬里白雲低  
師去應彈指  
人間落日迷  
雲水別袈裟  
祇樹空新綠  
惡聞子規啼  
故教歸去促  
嶽色春寒盡  
半邊入翠烟  
休將君白雪  
試對芙蓉天  
東海行裝足  
橐中得大珠  
無價摩尼色  
玲瓏照故都

欲別重相問  
知君悲老翁  
取經應有限  
馬首幾時東

月下題扇

題罷漢宮扇  
微風玉樹開  
林端明月出  
疑是美人來

長安道

躍馬長安道  
春風向冶遊  
五陵花落盡  
公子不知愁

七言絕句

牛門分得出塞韻安字

征旗朝拂塞  
雲寒直指燕  
然掌上看十萬  
健兒齊按劍  
更無人道憶長安



夜下墨水

金龍山畔江月浮江搖月湧金龍流扁舟不住天如水兩岬秋風下二州

古意

兩地愁心明月懸夜來應望玉關邊即回青海成涇渭尚及飛蓬未白年

送吳雪師歸山

嶺上珠林隔梵臺也知支遁愛山回白雲深處重相憶好向人間一贈來

感懷二首

雄風吹起襄王臺黯淡楚天愁裏開今日賦成人不見朝雲片片為誰來

搖落山中玉樹林朱簾畫棟夕陽沈黃金臺上颼風起千里空懷燕馬心

雪中呈徂徠先生

梁園賦雪雪翩翩今日雪飛非昔年終是相如高枕卧人間誰賞上林篇

贈桃仙女史



南齊集補編 卷之五 七言絕句 五  
篇成歎逝錦腸回鄴下無雙女史才縱望西陵千古  
月何須抱瑟泣銅臺

和元漢峽中作二首

臘月風霜鶴脊關東歸蓬鬢老紅顏陽臺雲沒應難  
度十二峯頭夢後山

山中何容為相尋信宿上方祇樹林今日逢君猶有  
贈持歸一片白雲心

峽中作三首

鬱盤古木路蕭森白帝城中片月陰石壁至今高萬

丈雲邊獨住夜猿深

天際旌旗嶽作城古丘只對夕陽明晚來松柏長風  
起猶似三軍鼙鼓聲

深山大澤虎狼群夏后神功田野分金甲角弓三十  
萬即今南畝盡耕耘

寄西京江子微二首

聞說閑居賦始成一時傳誦帝王城女兒也自能相  
識那得伯休偏避名

美酒千鍾琥珀光長安結客少年場那知獨向青山



色高枕蕭條一草堂

和子和戲之二首

司馬長卿一草堂。倦遊何處不淒涼。風流故作臨邛客。能可無心事四方。

翡翠翩翩裁錦多。相思醉和莫愁歌。應憐畫作蛾眉好。故譏門前車馬過。

和子和題扇詩時子和甫就羈絆

百尺開筵秋復回。黃金久築昭王臺。誰家郭隗偏相遇。却使絕塵千里來。

同東壁集子帥宅

濁醪相值愛閑居。解道吾曹與世疎。今日逢高君有意。不教年少一停車。

○舊苑即事

西苑繁華悲昔遊。採菱唱斷沙棠舟。自今水石長如此。孤月淒風玉樹秋。

宮詞三首

漢家天子憶凌雲。五利新恩拜將軍。仙掌夜高多露裊。坐看瑞氣日氤氳。



合歡殿上翠帷香，別有神仙不死方。玉女深宮齊搗藥，賜恩夜夜奉君王。  
御香欲襲翠雲裘，長捲衣裳侍殿頭。隨例朝朝傳粉黛，十年諳盡漢宮秋。

春宮曲

御柳鶯啼暮色遐，君王有喜醉仙霞。玉階宴罷珠簾下，多少偏籠解語花。

秋宮曲

秋水菱花前殿開，昭陽歌舞夜更回。深宮浴罷纔看

月，阿監已過重閣來。

西宮春怨

玉階日永草如煙，深院花飛誰復憐。知是增成歌笑地，春光仍舊媚君邊。

西宮秋怨

纖纖初月上昭陽，似妬娥眉秋恨長。自信當年辭玉輦，淒風何使妾心傷。

青樓曲三首

已從夜獵出長楊，躍馬橫驅馳道傍。樓上火明知不



寢無端唱斷羽林郎

遺却金簪醉倚樓衆中戲著鸚鵡裘從佗共指阿郎

婦不學盧家鎖莫愁

章臺少婦侈姬姜倭墮輕移金鳳凰白馬不如楊柳

色青青更入晴曠長

青樓怨

歲歲年年陌上花春風吹落竟誰家花飛眼看真成  
似停瑟又迎公子車

春日行

池上春光碧玉壺烟花來往酒家胡酒家呼作高陽  
客囊裏金錢還有無

春日同吊梅兒冢行至淺茅原江上風惡不  
得渡東壁吹笛且有詩余和之

茅原吊古草蕭然潮急風高不上船坐久忽逢瑤笛  
起隔江吹送落梅篇

傳通院同諸君遊得回字

紅樓移作梵王臺主第山川祇苑開似是慈恩同賜  
宴更教酒客題名回



牛門賦梅花落得吹字示東壁德夫

樓上梅花白雪枝翩翩氣色照金卮春風有意將新  
曲故使佳人玉笛吹

閨怨

丹鳳城頭別恨長愁看無處不秋光若何相憶關山  
月莫似閨中獨夜霜

俠客二首

平生臂上大刀瘢結客場中弄赤丸七尺形軀三尺  
劍未知俠骨向誰寒

昔年燕趙報仇來長說主人心已灰唯有笑談多少  
客酒酣傳飲罽毼杯

采蓮曲

婀娜芙蓉出水寒美人長袖下江干不知並蒂采將  
去偏傍誰家掌上看

石叔潭之函關留別諸子和此却寄

思君忽望夕陽曛何意偏分玉筍雲似是猿啼三峽  
水到時風雨不堪聞

和答吳雪師龍華山見寄



龍華樹上白雲邊，秋到何山不可憐。知爾詩成論卽色，寄來應任中郎傳。

倚蘭臺雨集得雲字

高筵秋色雨紛紛，琥珀杯寒不厭醺。已識蘭臺人似玉，轉看珠履客如雲。

謁瑞泉上人，話舊余嘗同上人，兄田君省吾遊，此可不慨然哉。賦此申懷，兼寄田君三首。

蕭寺幽蹊鎖古藤，吳江深院謁高僧。相看無奈尊羹

熟，空遣秋風促季鷹。

金龍山畔招提遊，携手曾過墨水舟。自故人東蹈海，大江秋色向南流。

北海索居文舉才，樽中無恙向誰開。十年已厭漁陽鼓，肯信禰生辭吏回。

同東僻德夫集子和

青天黃鶴武昌樓，濁酒同君海上秋。勿謂吾徒仙骨少，飄然已自似滄洲。

陪西臺侯遊驪山同賦得飛字



五馬春風花欲飛，驪山二月鬪芳菲。假令十日須酣飲，未必交歡問布衣。

和答寂通師峽中見寄二首

傳言飛錫指期還，日日回看西北山。小佛嶺頭秋欲暮，白雲依舊滿邊關。

南畔芙蓉天際懸，想看才氣更翩翩。誰知山上禪餘色，忽落人間白雪篇。

永代橋望海二首

東望天邊海氣高，三叉口上接滔滔。布帆一片懸秋

色，欲破長風萬里濤。

危檣爭著數州船，滄海潮高江上連。兩岸人家西北折，長橋龍臥欲垂天。

遊蓮光寺奉和卓上人答德夫作

落木溪邊葉已殘，禪房碧瓦出林寒。蕭條欲賦廬山色，知是昨留玄度看。

聞德夫逢韓客作此為問

北海祥雲送使臣，日邊賜谷更無塵。親看重譯升平化，應信東方有聖人。



觀子帥與韓客唱和作因賦呈子帥

聞君久佩碧琅玕一贈韓人照席寒北俗從來貪漢貨相逢好作價高看

聞叔潭與韓人歡作此為呈

使客遠遊修聘年遍聽十五國風篇怪來傾蓋君如故相贈交歡子產賢

伯錫兄弟與韓使唱酬作此為喜

藻思如雲逐席生詞人南北鬪才名解言兄弟輕儻父元自能文陸士衡

同前贈仲錫

北來使客始相逢應喜岡家見二龍座上堪驚明月色非關故舊作先容

江上樓送鳳泉師之信州

此去關山入白雲回頭海嶽向西分水鄉三歲泛舟興同上江樓更送君

送子和赴東奧

金華山上有銀臺玉女逢迎接海開東望恐君三島駐人間一見謫仙才



九月十三夜作余時移居芝山南浦

賓雁時來南浦秋望前夜色滿江樓亦知不減觀濤興懸月海天回八州

送辨中師之京

芙蓉雪嶺送僧伽五月橫流大堰河自是彌天無限路帝鄉西指白雲多

遊神足寺答願公見示

浙江潮色對門長臨海龍宮倚上方今日讓君多少句人傳靈隱有賓王

送融公歸相中

湘江楓岸白雲飛到日露濃珠滿衣不是季鷹心自切秋風一起向鄉歸

送貫道師歸鄉

東道雲霞錫映天袈裟更泛浪華船故園萬里繫珠意海上遙教明月懸

木犀居席上賦得木落見佗山

林表鳥棲落日閑蕭條極目霽邊關白雲黃葉秋天盡黛色偏餘玉笥山



春日送融公歸鄉說法

說法新懸璣珞衣，春成道故山歸。開花應遍雨花處，天上人間照眼飛。

暮春江樓送人

大江日夜子規啼，樓上茫茫遠水迷。無那汀洲春草色，王孫未去已萋萋。

送觀了師歸海西

阿蘓山上彩雲邊，到處龍護海船。心地從來西向久，知君欲破萬重煙。

送薰堂師歸海西

萬里舟行乘碧空，說經自化閻婆宮。日明龍女獻珠處，一半樓臺海氣中。

和麟叢木公代笑老人之作

病懶年年誤世情，老來轉卧一庵生。于今落日大梁道，誰信不期公子迎。

會業日子和見邀將出，恐諸君徒至齋中留。詩以謝失約。

雨後泥中下澤車，相邀杯酒任人賒。休疑率意步兵



駕猶在山陽取醉家

就子和飲歸路值雨賦贈

一曲行歌乘醉歸夕陽雲外忽霏微杖頭驚起葛陂  
水直作蒼龍風雨飛

采蓮曲

蘭橈珠翠露華香相映相憐紅粉粧越女却嫌江水  
淺采蓮欲就同心長

子和移居北里不見數月作此寄憶五首

天南海氣正漫漫萬里長風月色寒無限驕濤能可

贈夜來只合付君看

一雙鴻雁晚來孤東畔哀鳴西畔呼各向蒹葭深處  
宿月明望斷洞庭湖

北里南隣接暮烟交歡何事一蕭然莫言大道直如  
髮腸斷城邊尺五天

司馬門南少故人更愁風雨暗江濱城頭一月空回  
首憐爾笑談誰與新

城上斜陽十里分愁來相憶轉看雲近知白盡無餘  
髮忽復相逢驚殺君



秀緯就仕大垣秋九月從侯東朝得再會喜  
而賦三首

旌旆悠悠向海東驛亭五十送秋風自今無限江山  
色悉入翩翩書記中

白虹忽向海門回為喜行裝相對開無恙芙蓉腰下  
劍問君辟易幾人來

再逢南館意何如旅食今朝忘客居聞說大垣泉似  
酒飲時應憶武昌魚

早春懷子和

一年一度椒花杯城北城南自上臺處處春風催日  
夜生憎黃鳥近人來

六月送江山人歸嵐山五首

江城六月送君還瘴氣偏蒸大海間行盡道程知幾  
日秋風早已滿關山

萬里揚鞭東海濱暫時來往苦風塵自今無恙青纜  
坐遙想嵐山舊主人

石徑荒涼入舊溪草堂深處夜猿啼為憐空谷隱君  
子歸到鍾山路未迷



間庭荒草露華飛，依舊西山解客衣。更想王孫門外色，秋風未掃待君歸。

南牕寄傲坐來休，江檻新添望月樓。大堰舊河千里水，無邊秋色為君流。

送了願師之西京二首

西指芙蓉此送君，遙飛錫杖白雲分。明朝還向芙蓉望，仍舊天邊是白雲。

行盡琵琶湖上秋，從他征馬帶遺愁。無端唱起昭君怨，曲裏回頭入帝州。

長安大道白牛車，過處逢迎長者家。知是明珠衣裏色，併將彩筆照京華。

梅關禪師為萬年山上座作此奉贈

萬年之山百尺壇，高兮分半座。掌中看海門，日色回頭處。照出庭前柏樹寒。

送清泰菊庵老禪歸峽中

峽路秋高大嶽陰，山中歸鎖薜蘿心。松林跌座盤龍結，知與寒雲白日深。



南郭集初編卷之五

南郭先生文集初編卷之五終



